

集部

欽定四庫全書等等

詳校官庶古士臣朱

理

主事臣吕雲棟覆勘 總校官無吉士臣倉聖脉 校對官中書臣禁

謄録貢生 日到

逵

蒯

收敛之喻足見信道之勇然派博約相資方有進步 RECOUNT LINE 本作知舊門久問答 晦庵集 一從事於此自當有味但畏間 機亦在我而不在人也 撰

金好四周至量 效也易說大縣多與啟家相出入但後數條旁通农說 损自三至上益自初至五此其求之巧矣然頤循取龜 亦有功俟更徐放奉報然既知其無取自不必深究王 而讀書之法又只是要專一人自見功難以歲月期速 損益十朋之龜以其卦雖無離而通體似離也頤六爻 彦章說離為龜故卦中言龜處皆有離象如頤之靈龜 間亦當有數語論之後便寫寄也向在玉山道間見徐 ,所謂縱或復值而義無所取此一言切中事理中

欠己の良公司 快歸來偶與一朋友說因其未喻及復晓譬却說得詳 諸生說話司馬宰令人録來當時無人劇論說得不痛 記前日所論便中示及或便可用也昨在玉山學中與 密今無事時自作文字却有搜索不到處因暇試為追 繫於龜矣今乃不論其所以得益之故以為求益之方 義而無取於離損益則但言其得益之功而義亦不復 而必窮其龜之所自來亦可謂枉貴心力矣大學歸來 不暇整理蓋此等多因朋友辨論間彼此切磨說得細 酶卷集

盡因并兩次所言録以報之試取一觀或有助於思索 殿記正以病思昏塞不能有所發明為愧斯遠書來疑 th 金月四月百十 扶持未至甚有過事但本根之處外間無由知其深淺 也彭書荷留意此公之去深為可惜令外廷尚得諸 兩處已報之矣恐更有未安且更商量未可便入石 人憂歎耳所喻日用功夫甚慰所望但云一著力便 答林德久

マニョミ ここ 後書所疑不知後來看得晚然未耶喜當愛韓子說所 也喜所論別紙録去然其大意不過欲好存而未論耳 象說似未條暢所論小過中字先儒之說却似未為過 亦只是積累久後不覺自淡治貫通正欲速不得也易 問讀書應事處每事理會便是雖若無大頭段增益然 此論竊恐非晚定須別求捷徑矣窮理亦無它法只日 大段著力然又不可不著力如此久之自然見效若如 覺多事此恐未然此心操舍存亡只在瞬息間本不須 临巷焦

底物裏面包得四者令人却為不曾曉得自家道理只 體便只是仁義禮智之實如老佛之言則先有箇虚空 能不與在諸子中最為近理蓋如吾儒之言則性之本 以為性者五而今之言性者皆雜佛老而言之所以不 底性後方旋生此四者出來不然亦說性是一箇虚空 見得它說得熟故如此不能無疑又總見說四者為性 一體便疑實有此四塊之物磊塊其間皆是錯看了也 知性之為體不離此四者而四者又非有形象方所

一多方四月在書

卷六十一

前輩疑其問或非先生語以今觀之誠是不精切也所 只可於用處看便省力耳所引程子之言乃暢潛道本 則可以為善之類是於發處教人識取不是本體中元 言故孟子亦只於發處言之如言四端又言乃若其情 有界限而實亦非有牆壁遮欄分別處也然此處極難 可撮可摩也但於渾然一理之中識得箇意思情狀似 論春不可以包夏秋冬亦未然若如所論則是元字是 來有此如何用處發得此物出來但本體無捉摸處故

欠已日年 日号

晦卷集

好劇論也 |得中而平常正是三千三百底事安得不謂之小凡此 會得今但以四時觀之即自可見也中庸游楊說得不 總說下面須更添一字與亨利貞別為四德矣豈理也 金厂 精切不必深求中庸對高明而言是就事物上說各要 能盡鄙意如更有疑遞中附數字來子細及復此處正 類更熟味之自見意思也目盲作此數紙已極費力未 耶禮智二字當時只是漫說初無緊要然亦不可不理 以后有電

肯用力之人几坐殊情情耳賢者數學之功當日有緒 新齊己畧就而學子至者終少難得顏悟可告語篤信 有科舉之累來者亦無多人又病中無氣力不能與人 新齊雖就而竹木未成陰學者居之多不安然今歲適 灰色四草白雪 一 見讀何書有可商量者便中示及一二為幸 目盲益甚它疾亦浸劇辭免未報且爾杜門無足言也 答林德久 答林徳久 临巷集

苦目唇讀書不得几坐終日於此甚有味也界限之說 劇論甚覺負其來意也疑義兩紙各已奉報思神之説 金罗巴月石 只且如此涵泳聖賢諸説久自分明不必穿鑿殭作見 |所講未甚精到然朴厚誠實令亦難得此等人也 解也持敬之云誠如所喻此是最累切處大病之餘又 生沖漠無朕一段可見矣德脩王丈逝去甚可惜雖其 亦是要見得五行之在性中各有體段要得分辨不雜 不可說未感時都無分別感物後方有分別也觀程先

亦是 甚欠工夫間為福州學官作一 所示疑義各附鄙説於其後近覺向來所論於本原上 次已日華 白馬 尚欲脩一 斯遠函欲附家報未能辦供後便也中庸章句已刻成 可了大抵日困應接不得專一工夫令又目盲尤費力 不知天意如何且留得一隻眼了些文字以遺後來 事今左目已不可治而又頗侵右目矣 答林徳々 兩處以或問未罷亦未欲出次第更一兩月 脚巷集 説發此意欲寫奉寄以 六

持敬固是本原然亦須隨事省察去其不如此者 伊川先生固曰仁性也孝悌用也此可見矣 金少口压石剂 爱爱莫大於愛親 事親從兄雖人之良能論性之體則仁義禮智所謂 也學聖人者其德性當如何涵養恐是持敬為先否 夫子温良恭儉讓伊川以為盛德光輝接見於人者 孝悌乃仁之發見者未知是否伊川所以謂仁主於 伊川曰性中只有箇仁義禮智而已曷當有孝悌來 卷六十

横渠得之但全章文意却微有病 尺三日直 二十 横渠先生謂不失親於可賤之人當從何說 之間必有獨覺其進而人不及知者因其近似以自 進德次序二說不同未知孰是今讀集註是其日用 吾十有五而志於學一章伊川以為且為學者立下 因不失其親二程先生謂信恭因不失親近於美 名所謂近似之説未能盡晓 法所以勉進後人横渠以為行著習察則皆聖人 晦巷集

此三説未須理會只且就自己分上點檢 多好四月全書 同 志學至此則純是義理心之所欲即道體流行自不 欲是聖人作用處否妄意聖人所謂從心所欲蓋自 不勉有十年工夫未知如何 不思而得不勉而中中庸皆以為誠之事初無節次 踰乎天則莊老猖在妄行蹈乎大方立脚處義理皆 耳順為不思而得不踰知為不勉而中所謂不思 卷六十

|次定四事全事 招狂妄行便是不依本分了 欲字分明聖人作用處却難曉如此解經轉見迷昧矣 一蔡語無病 差彼所謂大方宣真法度也未知是否 聖人之心澹如止水體用未當相離竊意無思收與 放恐是學者分上事 四十而不感伊川曰明善之徹又曰言不感則自誠 上蔡曰聖人未嘗無思故有所欲未嘗放過不踰矩 临卷集

二先生之言未當有異更宜玩索 者所不必知死生鬼神之所以然非窮神知化者不 鬼神之情狀為學者當知千歲之遠六合之外為學 敢問不感已至誠之地位否若横渠言不感則於功 潛密察之功故夫子誨之者如此上蔡謂死生之説 用上見二説如何 足以與此夫子當告之以未知生未能事人正子路 由語汝知之乎竊意子路勇於進其於學問恐欠深

人工日日公司 不必如此說上蔡之說且以文意論之已自不是也 實之意 為過竊意巧令者務悦於人失其本心甚矣若如諸 說恐離心迹於二而容悦於外者曰吾心不如是也 巧言令色鮮矣仁諸儒皆以為其心未必不仁志在 從事於功用之間宣强其所未易知者恐非誨其務 可乎 於善而失其所習與若實之以君子之德雖巧令未 脚卷集

一部分四屋在書 言令色之非仁則知仁矣此足以破十載之影矣 詞害意之失故伊川先生直截說破云謂非仁也知巧 諸說蓋為鮮字所惡又為詞欲巧令儀令色所奉皆以 伊川曰心具天德心有不盡處便是天德處未能盡 諸先生議論不同如孟子教人皆從心上用功不 何緣知性知天觀諸先生議論皆謂盡心而後知性 先自知性始當從何處實下工夫敢告指教 知天而先生盡心第一章以謂知性而後能盡心與 基六

性性之盡則能盡其心矣 貫通之謂所謂知性即窮理之事也須是窮理方能知 心者以其知其性故也盖盡心與存心不同存心即操 存求放之事是學者初用力處盡心則窮理之至原然 以文勢觀之盡其心者知其性也言人之所以能盡其 Caldin like 之體者剛字絕句則直是養氣矣二者未知熟是如 楊遵道録伊川語與龜山語録嫌將一物養一物之 至大至剛以直養而無害若直字絕句則直仍論氣 梅巷集

金月四月全書 以直養而無害即上文自及而縮之意人能集義則無 不直而氣浩然矣 歉所謂直養而無害者是全義理去私然否 說則直為絕句至常思之人心平氣定不為私然所 誘氣之本體覺廣大不可压一為私意所撓則便有 義配義與道自養氣者而言或自養而既成者也龜 **既生得此氣語其體則與道合語其用則莫不是理** 配義與道伊川謂以義理養成此氣合義與道又云 卷六十

集註說得分明更宜深及當見不敢曲從楊尹之說 てこうし ニュー 其用則名曰義學者能識之然後能養之則三者皆 必有事馬而勿正二程多主於敬一說須當集義是 尹和請謂其為氣也至大至剛以直其體則名曰道 以著名也一似氣道義各為一物姑借此以明彼爾 之詞亦未能盡晓併告開於 山謂氣無聲之可名故難言之也而以道義配之所 事而氣為之主兩說未知如何集註謂合而有助 梅花集

銀好四库全書 說非孟子本意也集註亦可細玩 孟子上下文無敬字只有義字程子是移将去敬字上 以宜為主而敬在其中 善工夫否 買義主敬或主於事之宜也 承上文是集義所生者而言所謂必有事則積集聚 有子以孝悌為仁之本孟子分事親從兄為仁義之 故者以利為本故者謂其本如是也或是已然之故 卷六十

也謂其本如是則自其黨受之初者觀之若已然之 之道而人為不得然於其間耶又曰凡性之初未當 只是欲順而不害之謂所謂順利者得非中庸率性 故則必待端緒著見而後可也伊川謂必求其故者 只就性之本而言也至觀順紀柳之性與夫水無有 二說恐然合看而後全也如龜山以故為氣質之 不下兩章則性本善凡所謂不善皆拂其本也伊川 不以順利為主則是性本順利不待矯揉成就也此

次定司事全等

. 临卷集

方須見痛 故者已然之迹也如性之有仁義禮智不可得而見而 金りにたと言 惻隱羞惡恭敬是非則有已然之迹矣然四者之發非 有所矯揉而後成也非以利為本耶楊蘇之統皆非 孟子論三聖獨伊尹不言聞其風者亦不言其流弊 何 竊類莊子去智與故之言蘇黃門亦有此說不知如 如夷患者何也豈以其樂堯舜之道於献畝之中必 工與夫辨 析 類是

欠三日日 白星日 日 梅卷集 此恐亦偶然耳如所論者恐或亦有之也 竊觀此章前言聖人之時後方兼明智聖始終之義 獨言孔子者恐為智聖功用而言也三子者或不足 孟子教學者集大成門户故分智聖始終之事以示 待湯往聘之乃幡然而起行止近於聖之時也 於知或知有所偏也如横渠謂聖者不勉而中不思 智聖一章自集大成也者以下舊見鄉人陳先生説 人謂其知有偏全則行亦有偏全必自致知而入也

之可言然其所謂知有偏全則行亦有偏全必自致知 之功用而言也集大成乃聖賢地位極至處豈有門 學者工夫次第不是說教學者以集大成門户及聖人 金好四月百十 處而入則得之矣 孟子此言固專為孔子而發然亦可見三子欠闕處及 孟子曰人無有不善水無有不下程氏謂善亦性也 而至似不特智之事也豈所謂智亦生而知之者否 惡亦不可不謂之性也若指上文氣稟而言則如子

欠正可臣 公司 言水之下與水之清亦是兩意須細分别耳 此章性字說得最雜有是說本性者有是說氣禀者其 所指 指下文水就下而言則若有可使為不善之意然濁 性也嘗觀釋氏之說止以知覺運動者為性令其徒 越椒之生世偶有之不應稟氣賦形有善惡存馬若 生之謂性一章集註以知覺運動者言也仁義禮智 水沙石非水本然也惡亦不可不謂之性此語未曉 梅巷集 古四

金月四月 台電 謂覺性常存不受沈墜如其說誠有一物在造化之 得私者而有形聚成物形潰反原之說如何釋氏以 賦氣成形之後便有知覺所有知覺者自何而發端 令析性與氣而言性之大本雖已分曉更有疑處人 理則與天地古今周流而無間横渠所謂非有我之 又死之後所謂知覺運動者隨當與形氣俱亡性之 外老子亦謂死而不亡至於聖人之於丧然求諸幽)說亦有以是靈靈的的者為非者前此常被其惡 卷六十一

皆為此論發也丧祭之禮是因其遺體之在此而致其 知覺正是氣之虛靈處與形器渣浑正作對也魂游魄 爱敬以存之意思又别 降則亦隨以亡矣横渠及原之說程子蓋當非之今東 見録中不可以既反之氣復為方伸之氣此類有數條 てこうる から 漢如此其至者果有物無物耶 若夫為不善非才之罪也孟子謂人之才無有不善 伊川謂性出於天才出於氣氣清則才清氣濁則才 Į **脚巷集**

一金厅四届全書 然孟子不論氣之病集註言之詳矣請更詳之 性既本善則才只可為善為氣有不善故才有不善耳 或四端著見處是才或所以能充拓者為才也 濁才則有善不善性則無不善其説似與孟子相反 馬故氣質之性君子有非性者馬正本此意否 渠所謂形而後有氣質之性善反之則天地之性存 君子不謂性命一章上言不謂性也下言有性馬上 下言性不同恐上是氣質之性下是天地之性否横

氣者而言如書之言人心也中庸章句序中已詳之可 孟子說化字與易之變化不同後說得之然非銷礙 以口之於味之屬為性非專指氣質蓋以理之屬於血 灰色四年 白馬 竊疑與釋氏銷礙入空之說相似不知如何 有迹化無迹謂充實光輝者使泯然無形迹之可見 大而化之之謂聖横渠謂大而化不可為也在熟之 而已矣此則與易之擬議以成其變化同或說大猶 晦巷集

空之謂更分別之自可見矣 多久以及名言 而言但其中自有所賦之理爾人心道心亦非有兩物 非氣無形無形則性善無所賦故凡言性者皆因氣質 横渠曰由太虚有天之名由氣化有道之名合虚與 氣有性之名合性與知覺有心之名横渠所謂性者 道心言否 恐兼天地之性氣質之性而言否所謂心者併人心

盖上天之載無聲無臭其體則謂之易其用則謂之 神如在其上如在其左右大小大事而只曰誠之不可 教孟子去其中又發揮出治然之氣可謂盡矣故說 神其命於人則謂之性率 性則謂之道修道則謂之 忠信所以進徳終日乾乾君子當終日對越在天也 擀如此夫徹上徹下不過如此形而上為道形而下 與後已與人至竊謂此段論至理徹上徹下本自完 為器須著如此說器亦道道亦器但得道在不係今

REJOIDE LILLS

晦庵集

金分正五台書 者實理之謂也非論人當以誠敬體當是理也 此是因解乾字乾字即是天字遂推言許多名字只是 理而各有分別雖各有分別又却只是一箇實理誠 専在誠敬上著力是否 中者天下之大本天地之間亭亭當當直上直下之 具初無天人微顯之間誠敬者所以體當是理者也 正理出則不是唯敬而無失最盡至竊謂此段論中 不誠敬則幾於無物矣豈能貫通而無間此終始

之和耳 出則不是蓋謂發即便不可謂之中也且如喜而中節 雖是中節便是倚於喜矣但在喜之中無過不及故謂 別紙所論敬為求仁之要此論甚善所謂心無私欲即 敬而無失持養於未發之前否 之體固存所論出則不是者出謂發而不中節者否 之體直上直下無所偏倚發而中節雖謂之和而中 答林德久

尺三百五 八十

梅巷集

ナ

方所記此只有震澤記善錄乃淮郡印本想已有之其 然語意終未親切活絡更宜涵養玩索更於仁智實處 智毒樂亦是功夫到此自然有此效驗來喻雖亦無病 是仁之全體亦是也但須識得此處便有本來生意融 間議論亦多可疑也 後自有樂處與貧富貴賤了不相關自是改它不得仁 融洩洩氣象乃為得之耳顏子不改其樂是它功夫到 下工夫則久當自見矣酉室所聞未見全書恐是陳長

金万四月百章

卷六十

待次間中足得為學未為失計要之仕官只合從選部 <u>丞佐之屬為住也素屏居如昨朋傷多勸謝客省事者</u> 坦懷待之若合須過嶺此亦何可避也 くこうこここう 近地教官關次必遠既非禄養之宜又不更治民亦使 亦嘗試之似難勉强又揀別取舍却恐反生怨怒不若 八怠惰尚簡非所以磨厲器紫似不若參選擬一近 答林德久 答林徳々 梅巷集 闕

一多定四库全書 為是耶疑義已略用已意說釋其後恐有未安更望反 士亦不免俯首其間為人所前却此可為後來之戒也 頗有來者然亦不多目前未見卓然可望也唯江西吳 復大抵似用意未精齒嚼可破也漢卿甚不易得想亦 注擬是家常茶飯令人干堂慣了不覺其非故有志之 難得相聚也齊中自去秋後空無一人亦幸省事今復 自提撕不與俱往便是功夫事物之來豈以漠然不應 無事靜坐有事應酬隨時處無非自己身心運用但常 卷六十一

隨事有以及民而自守勁正不為時勢所且甚不易得 今乃不幸短命而死甚可傷悼耳 公大伯豊者相從累年明敏過人儘能 思索從事州縣 **大户四年公告** 論少足為慰耳引年告老昨以鄉間横議官更過憂久 **惠疾病益侵氣痞足弱不能且伸屏居無事尚能讀書** 而以病故不能俯伏几案所幸猶有一二朋友早晚講 不得上至煩臺評播告後乃得之尸居餘氣何足為世 答林德久 脚巷集 Ī

論孰當因風幸及之 之也武成錯簡尋常如何讀韓退之與大顛書歐蘇之 金罗里 盡心知性之說恐未然今亦未論義理如何只看文勢 慕中無事儘可讀書不知比來作何功夫因書幸略及 祠記甚住此題目本不好做想亦只得且如此說過耳 重輕而每煩當路注意如此既以自歎又自笑也二陸 者也二字便可見近有朋友引得其民者得其心也以 答林德久

欠已日日 白雪 之義其意象規模自應有先後也太虛實理正是指形 解矣此理甚明更宜思之况知者有漸之詞盡者無餘 有未明如何便到得此田地耶此處一差便入釋氏見 即不知却何說存心兩字兼既未知性即是於理尚 證之亦自有理若如所論私意脱落無有查滓為盡心 理可乎以此思之亦自晓然也 而上者而言既日形而上者則固自無形矣然謂之無 答歐陽希遜謙之 临苍集 王

朝夕模之不暫廢報積久純熟則不待模擬而自成方 之通病然尚有不能守紙上之語雖擬規矩而不能成 喻及也所謂徒守紙上語擬規畫圓摸矩作方此初學 所示疑義比舊甚進所未安各已疏出幸更思之因風 金月四月百十 方圓者而未必自知其非也以愚計之但且謹守規矩 圆矣切不可轍的妄念求之於言語文字之外也 觀孔子言仁如告顏子以克已復禮所以為仁之機 殆若發露而無餘為至孟子論仁雖 當指人心而言

次色日日白目 一 者惻隱之類偏言之也克已之類專言之也然即此一事 程子曰四德之元猶五常之仁偏言則一事專言則包四 便包四者盖亦非二物也故論語集注中云仁者心之德 然其意使人自惻隱之心推之要其古歸多主於爱 极溺之計不可不自夫受病之所而藥之歎 之餘也意者孟子適當夫好戰嗜殺人之時為救焚 似聖人之言仁廣大渾全而使人自得於精思力行 一解雖所以指示於人者豈不精切而確實然不 脚屋集

愛之理也此言極有味可更思之不可謂孟子之言不如 非也孔子雖不以義對仁然每以智對仁更宜思之 偏言之者爱人是也又謂盖子以世人好殺而言惻隱尤 孔子之周編孟子亦有專言之者仁人心是也孔子亦有 出於造作而然也宣若遵且之事器數之末皆身外 乎吾身而非有待於外也為其得於不勉不思而非 君子所贵乎道者三君子之所以重乎此者為其發 之物可以品節劑量安排布置而為之者乎

金少口及白雪

曾子之意只是說人之用力有此三處此大而彼小此 其事而非吾之所當切切留意者耳所云身外之物以 節然亦非全然忽畧而不以為意但當付之有司使供 急而彼緩爾亦未說到不勉不思處遵豆之事固是未 次已日日 日号 下云云者尤非本文之意也 論語集註曰曾點氣象從容解意灑落其竊想像其 程子謂其便是堯舜氣象竊當以程子之意求之所謂 舍瑟之際玩味其詠歸之解亦可以略識其大祭矣 的原集 7-1

金切口用白電 曾點氣象固是從容灑落然須見得它因甚到得如此始 言孟子之所謂狂者蓋謂夷考其行而不掩馬者也所 所謂事業者就其得於己者而言就其得於事功者而 堯舜氣象者得非若所謂不以位為樂與夫有天下而 武子死曾點倚其門而歌於此而作歌可以見其狂否 謂行不掩馬者若曰言不顧行行不顧言所行不能掩 其所言也不知曾點行不掩馬者何處可見擅号口季 不與之意乎集註又云是雖堯舜事業固優為之不知

是聖人所與然亦不害其為狂也過此流入老莊去矣 死已日年 白野 見處耳倚門而歌亦略見其狂處只此舍瑟言志處固 **份若見得此意自然見得它做得堯舜事業處不可以** 一事言也行有不掩亦非言行背馳之謂但行不到所 意似同而精微密察處略似有異前面氣字若專主 孟子口我知言我善養吾治然之氣集註云治然盛 **餒某竊味氣體之充與下面浩然之氣兩箇氣字大** 大流行之貌氣即所謂體之充者本自浩然失養故 梅庵集

接事物之理旨真有之而非出於勉强偽為也此是見 氣無二義但浩然之氣乃指其本來體段而言謂體之 充者泛言之耳然亦非外此而别有浩然之氣也 反身而誠乃是及求諸身而實有是理如仁義忠孝應 前行之在後與篇首盡其心者知其性也知其性則知 反身而誠者知至之功强恕而行者力行之事知之在 天矣存其心養其性所以事天也文勢略同未審是否 形於外者而言後面氣字若專主發於內者而言

自然中禮也 在我矣下言强恕而行者盖言未至於此則當强恕以 集註此義近看得似未安恐只是說四體不待安排而 得透信得及處到此地位則推已及物不待勉强而仁 去已私之敵而求得夫天理之公也 Cut of the latter of the 能言而其理自可曉也似若指在人而言 孟子施於四體四體不言而喻集註云言四體雖不 舜不告而娶告則廢人之大倫則娶為重而告為輕 晦庵集

係亦自有大小級急之不同孟子言之詳矣無可疑也 禮固重於食色矣然禮亦有大體小節之殊而食色所 金牙口及と言 所示卷子已悉疏其後矣時亨處亦有三紙可互見也 以時論而少變千萬勉力 元德為犯如何元瞻已歸未也吾人為學自為已事宜 死而已則免死為重潔身為輕不幾於禮輕而食重 不終於禮輕而色重賢者飢餓於土地賙之則受免 答歐陽希遜

得它做得堯舜事業處謙之因此熟玩集注之語岩 識得這道理破便無所係累於胸中所謂雖堯舜事 謙之前此請問曾點氣象從容辭意灑落克舜事紫 所見處大所以日用之間無非天理流行之妙惟其 而用舍行藏了無所與於我見得曾點只是天資高 曰但味其言則見其日用之間無非天理流行之妙 湏見得它因甚得到如此始得若見得此意自然見 亦優為之先生批教云曾點氣象固是從容灑落然

Callonal Linking

梅巷焦

多员四月全書 能爾也何者竟舜之聖只是一箇循天理而已然曾 業亦優為之自其所言以逆諸其日用之間而知其 見矣使曾點以此見識加之以饋仰之功謹於步趣 有天資高自然見得此理真實流行運用之妙者未 之實則其至於竟舜地位也熟禦本朝康節先生大 點自言志之外無一語問答馬則其無篤實工夫可 點雖是見處如此却無精微縝密工夫觀論語 略與點相似伏乞指教 太六十 一書

COUNTY SILVE 一庶幾不錯若一向先求曾點見解未有不入于佛老也 必皆由學問之功如康節二程先生亦以為學則初無 不知也來喻皆已得之大抵學者當循下學上達之序 謙之前此請問語孟仁不同處先生批教云集註中 敬行怒告之以先難後獲之類往往不是先樂其人 來却覺看得論語中答諸弟子問仁處如告之以主 云仁者心之德愛之理也此言極有味可更思之近 病痛則是其人未到仁者地位未可以抽關啟 海鱼集

一多定四库全書 然後却可語之以仁若答子貢之問直曰工欲善其 告之且為它安下一箇為仁底根脚根脚平正牢固 恭執事敬與人也胡氏以為樊進問仁者三此最先 先難次之愛人其最後子似得聖人之意矣若是根 事必先利其器此可以觀矣樂運問仁告之以居處 讀論語見聖人答問仁之語其說不一便將作聖 脚既正雖不告語之亦自然能尋求向上去也前 不稳而語之以仁縱使能用力馬果能為我有乎 T. 巻六十一

求便有靠實下手處於此益見得所謂心之德者乃 夫人心等語乃是實指仁之端倪學者便可體認尋 是仁之真體蓋事事要得此心之安不使有一毫之 可得却把孟子言仁處看小了遂謂孟子之言不如 於我而一毫不邱也程子以西銘為仁之體其以比 孔子廣大周編今此却看得孟子所言惻隱之心與 人言仁廣大周徧底意思看了是以求其要領而不 不足處而爱者乃是仁之實不以吾身之外皆無與

友已日日 公前

晦卷集

脚乎若此只是安立根脚即不知如何方是正下手為 比段看得大有病告樊遲三語便與告顏淵仲弓都無 金岁四月月十 |程子易傳亦有專言偏言之說如意訓釋又是盖子程 字之義理如仁之端仁然仁字又兼两義非一言之可 異故程子曰此是微上微下語安得謂姑為之安立根 盡改孔子教人亦有两路爱人即五子惧隐之説的 仁處耶大率孔子只是說箇為仁工夫至孟子方解仁 數不知是否伏乞指教

欠已日日 白馬 子義疏可更詳之 本也此孟子所謂不能盡其才而非才之罪也故夫 其性之善則遂併與其才而失之何者性固才之根 則才固無不明且强也氣稟之濁而本性障散則或 謙之前此請問孟子程子論才處曾妄為之說曰性 有以档其才之美而使之昏且弱矣氣稟昏濁既蔽 也才發於性固無有不善也氣稟之清而本性常用 無不善而氣有清濁人之有昏明強弱者氣使之然 临巷集

金罗口尼石雪 氣之清則能盡其才氣之濁則不能盡其才然其才 言若曰惻隱羞惡恭敬是非之心人皆有之可見其 則夫昏明强弱其本固不係於才而係於氣也前時 發於性自人氣之有清濁而後才始有盡不盡者馬 有此形體則其才能固具於此形體之中若是器為 性之善也夫人之受此性以生也則必具此形體也 孟子本文與集註之說又覺前說殊未為當孟子之 語此時先生賜答不以為不可然謙之近来玩味

火色日日 白品 之之論也程子所謂自暴自棄即孟子不盡其才之 陷弱其心者也程子所謂學而知之即孟子求則得 所能也其所以不盡其所能者則稟是氣之濁與夫 羞惡辭遜是非之心是所謂盡其所能也彼其不思 論也二說雖異不害其為同也不知是否伏乞指教 此惻隱羞惡辭遜是非之心能思而求之以充惻隱 不求不知所以充之者非無是能也不知所以盡其 刃也必能刺物也是恭為舟也必能行水也是故有 椒卷集

金牙山尼白雪 醇矣而所知未必能達於理則是其氣之不清也推此 通達事事晚了者其氣清矣而所為或未必皆中於理 氣稟之殊其類不一非但清濁二字而已令人有聰明 類以求之才自見矣 則是其氣之不淳也人有謹厚忠信事事平穏者其氣 む指教 謙之又觀集注曰才固有昏明强弱之不同竊疑昏 明是氣强弱是才不知於才字上下昏明字如何伏 卷六十

大王司 在 流行未有所寄寓只可謂之善不可謂之性然以無 同明道之意若謂人生而後方始謂之性前此天命 竊意明道所言生之謂性與告子所言生之謂性不 生而静己上不容說才說性時便已不是性也謙之 已不是性也性即氣氣即性益必稟是氣然後人之 程子曰生之謂性性即氣氣即性生之謂也又曰人 不可謂之性此人生而静以上不容說才說性時便 可得名又是性之本源只且謂之性若論其體艮則 晦養妹 李

金人口尼白書 始得謂之性而性之本體始與氣質交雜而有待於 必有是性而後有是氣必有是氣而後有是性二者 形體始立必命之以是性然後人之良知良能始具 察識其端倪矣程子所謂性即氣氣即性非謂氣便 間雜人物已生之後氣質之成形雖其理已命於人 益不能以相離也人物未生之時天命之流行雖其 是性性便是氣益言其不相離也此程子所謂論性 未有底止不可謂之性而性之本真實渾然而無所

此段近之 程子曰人生氣稟理有善惡然不是性中元有此兩 也不知是否伏乞指教 改夫下文所引水流為喻是所謂不是元有两物 使然也善固性也然惡亦不可不謂之性也謙之竊 不論氣不備論氣不論性不明二之則不是益以此 對而生也然既謂之流而復有濁則非自幼而惡矣 相對而生也有自幼而善有自幼而惡者是氣稟

欠足四年 白馬

晦卷集

金岁口是人 出時無濁者則後来雖有濁者或是泥沙溷之外物 同然不可謂濁者不為水也謙之竊以謂既是初流 遠已有所濁有出而甚遠方有所濁又曰清濁雖不 不謂之性矣既曰有流而至海終無所污有流而未 既曰水之清則性善之謂也則不可謂之惡亦不可 性哉程子之言必有深意伏乞指教 孟子所謂陷溺其心者也豈得以惡為不可不謂之 汨之不是元初水裏面帶得濁来到此方見也此則

此所謂泥沙外物正指氣稟而言 執其方而論則所不可通者不但此句而已須知性之 次至四事全与 一 原本善而其發亦無不善則大傳孟子之意初無不同 明道先生之言高遠弘闊不拘本文正意如此處多若 善是指未生之前孟子言性善是指已生之後與程 是也近觀先生答嚴時亨所問云易大傳言繼之者 子之説似若有異伏乞指教 程子曰凡人説性只是說繼之者善也孟子言性善 晦苍集

矣 金グロルとき 積恐是若今裙制近要有殺 學是也要半下謂近要 衣要半下齊倍要則無裝積而有殺維矣所謂有聚 鄉黨非惟裳必殺之集註云朝祭之服用裳問時遺 者狹半放下面齊也齊倍要謂向下者闊倍於上面 此一句正幅如惟要有襞積而旁無殺縫其餘如深 要也不知旁無殺縫之制如何恐是深衣之制裳下 面是裁布為之近要者殺從其小以就半下之法所

火色 日 自 自 一 之裙是也策積即是指處耳其幅自全安得謂近要者 一晓不得也今添此的讀之自合見得分明矣惟裳如今 此讀集註遺下首的故其下皆無文理昨下看之亦自 有殺縫耶 集註皆為偏黨之義義之與比舊音毗志反集註音 必二反孟子 願比死者一 酒之與且比化者無使土 論語君子周而不比字舊音毗志反集註無音古註 以旁有殺縫也伏乞指教 晦恭集 孟

金ケロ尼と言 處改未盡耳更俟契勘然亦無甚緊要今目昏甚此等 記得此字是用買昌朝屋經音辨改定比今之諸侯 處恐不暇料理矣 黨之義者皆當作必二反如何至將比今之諸侯而 親膚其義與音又俱備無可疑者若御者且盖與射 毗志反否伏乞指教 誅之集註曰比連也音去聲所謂去聲者想却是作 者比集註亦為偏黨之義亦必二反不知比字為偏

批来 REDual Artio 舊只是貫字則自不須音也此不暇檢可更詳之後便 貫若不音慣不知讀作何字如有别音即須補之若依 註無音亦曰貫習也恐是不須音轉亦可此等不應 孟子曰我不貫與小人乘貫舊音慣註曰貫習也集 以告伏乞尊察 以煩瀆尊聽鄉里後生或来質問不敢以私意揣量 答歐陽希避 晦苍集 Ī

令人隨處見得活潑潑地必有事馬是孟子喫緊為人 此乃為或問中舊說所誤今詳味之方見程先生說為 所論程先生為飛魚躍必有事馬之語元德亦以為疑 金与正是有量 思之意見得分明即將程先生所說影貼出便見所引 處以其教人就已分上略綽提撕便見此理活潑潑地 孟子之說只是一意不可以其文字言語比類牽合而 也非以其文義相似而引以為證也今看中庸且看子 飛魚躍是子思喫緊為人處以其於事物中指出此理 老六十一

使為一說也凡岩此類更宜深思 經正意可且虚心將經文熟看甚不能燒處然後參以 所論思神一章全不子細援引太多愈覺支離不見本 思慮也祭統所説如有見聞論語所說祭神如在皆是 章句說教文義分明道理便有去著體物之義兩處說 主於祭者而言此章言使天下之人齊明盛服以承 得如此分明足以致思乃更泛然而問可見元不曾入 祀是主於鬼神而言自有實主如何却如此看 两物 祭

KEDIEL SIMIT

晦苍集

害理岩如此説則是偽而已矣又豈所謂誠之不可掩 金月中屋石書 悽愴使人神思麗浙如漢書云風肅然者宰我答問! 乎昭明為萬悽愴疏說非是昭明謂光景為萬謂氣象 深體又来 喻言如其神之在馬非真有在者也此言尤更順人来 喻言如其神之在馬非真有在者也此言 智仁勇一章雖非經文正意然文勢相聽讀者亦須識 章所論鬼神正與中庸相表裏令且先看令中庸意思 得去著方見義理大小精粗縱橫貫穿無空闕處令觀 分明却看此章便見子細 卷六十

今乃如此草草看過率然發問殊非所望於朋友也 是不知有此两句所以如此筆之於書決須更有深意 尺己口目之時 性則此全體堕在氣質之中耳非别有一 氣質是陰陽五行所為性即太極之全體但論氣質之 論全未致思至如所引論語仁者安仁智者利仁豈! 五行之生各一其性 明道言人生而静以上不容說 答嚴時亨世文 睡卷集 一性也

金牙口及人 性才謂之性便是人生以後此理堕在形氣之中不全 雜也 子言性善是指已生之後雖曰已生然其本體初不相 得其不雜於此者耳易大傳言繼善是指未生之前孟 是性之本體矣然其本體又未曾外此要人即此而見 人生而静是未發時以上即是人物未生之時不可謂 程子以忠為天道怒為人道莫是謂忠者聖人之在 己與天同運而恕者所以待人之道否

久已日百 Ainto 南軒說固有此理只是此章語意只合如古註及程子 發已自盡但謂凡出於已者必自竭盡而不使其有苟一 說不容一語可兼二意虛心平氣静以察之當自見得 不可以其近裏而遷聖人之本意以就之也 發已自盡謂忠循物無違謂信所謂發已莫是奮發 自楊之意石循物無違未曉其義如何 放於利而行多怨南軒獨以為己之怨人 晦卷集

聖人處已待人亦無二理天人之别但以體用之殊耳

近人情而難行故孟子之言如此非以楊氏為可取也 簡不盡之意耳非奮發之謂也循物無違謂言語之發 金月四月全書 楊墨皆是邪説無大輕重但墨氏之説尤出於矯偽不 先孰後也 循於物而無所違耳 循其物之真實而無所背戾如大則言大小則言小言 墨並稱乃退之之緣然亦未見得是與原道之作孰 逃墨必歸於楊逃楊必歸於儒

此説大緊得之然亦不必言先為其難大抵只是許多 欠二日日日 日本日 道理須要理會得分明後方無室礙不費力而自簡 聑 耳如治亂繩若不解放得開豈能自成條理而不紛糾 為文非隔章取義也 伯者之事不得為善此章正與上章相發明乃是相承 簡易引日東菜解禹貢一段 三重當從伊川之説 晦枯集 また 易

金好口居人言 此亦但疑其文有不同耳先立題目又令復坐而後言 之亦似太鄭重也 六言六報説 答嚴時亨 卷六十

問目各己批出請更詳之禮書近方畧成綱目但疏義

雜書中功夫尚多不知餘年能了此事否當時若得時

諸友在近相助當亦汗青有期也浙中朋友數人

八亦

知首尾亦苦不得相聚未有見日千萬自愛更於義理

矣 切身處著實進得一步則所以守此身者不待勉而固 欠足四年於馬 一 **某昨来請問五行之生也各一其性傳云五行之生** 隨其氣質而所稟不同所謂各一其性也各一其性 則渾然太極之全體無不各具於一物之中而性之 土之稼穑此但可以見其氣質之性所稟不同却如 無不在又可見矣各一其性周子之意固是指五行 之氣質然水之潤下火之炎上木之曲直金之從革 邮巷某

何便見得太極之全體無不各具於一物之中而性 極 氣質之中耳非别有一性也其反復思之誠非别有 異質而不能外乎陰陽陰陽異位而皆不能離手太 此性字是 為性即太極之全體但論氣質之性則此全體墮在 每讀至此未能釋然先生答云氣質是陰陽五行所 其義理之性之無不在也莫是如上一節所謂五行此性字是指之無不在也莫是如上一節所謂五行 性然觀聖賢說性有是指義理而言者有是指氣 即此可見得否覺得此處傳文似猶欠一二轉語

金少口尼石里

欠 巴口甲 八十二 稟而言者却不容無分別敬讀誨語謂魚質是陰陽 性專是主理而言益五行之氣質不同人所共知也 五行所為性即太極之全體始悟周子所謂各一其 中而性之無不在又可見矣詳此文義這箇 而所稟不同所謂各一其性也詳此文義這箇性 而太極之理無乎不具人所未必知也此周子喫緊 示人處今所在板行傳文皆云五行之生隨其氣質 一其性則渾然太極之中全體無不各具於一物之 临巷集 言性 段

金分四是有量 陽五行而言之則不能無偏而人稟其全所以得其秀 陰陽五行之為性各是一氣所禀而性則一也故自陰 而最靈也 而義明正是回教所謂全體墮在氣質之中底意思 無不各具於一物之中所謂各一其性如此則辭約 五行之生雖其氣質所稟不同而渾然太極之全體 伏乞指教 一問上下文義順相合恐讀者莫知所適從若但云

其昨来請問明道先生云人生而静以上不容說才 之前此已上誠有不容説者然自孟子以来至於周 說性時便已不是性也凡人說性只是說繼之者善 理而言親切著明今謂其所説皆不是性可乎性理 程諸先生皆善言性者其大體指人物所得以生之 也孟子言性善是也夫人生而静是喜怒哀樂未發 之說本自精微今謂才說性時便已不是性無乃使 人致思於者真不可致詰之境乎明道此段大意首

次是日日在日

晦卷集

型

本窮源之論引此以明人生氣稟理有善惡似不相 **侔不知明道所見是如何先生答曰人生而静是未** 性善止是言義理之性人所均禀初無不善皆是極 尾大要是推明人生氣稟理有善惡竊詳易繫言繼 發時已上即是人物未生之時不可謂性才謂之性 之者善正謂大化流行賦與萬物無有不善孟子言 體矣然其本體又亦未當外此要人即此而見得其 便是人生以後此理墮在形氣之中不全是性之本

在少世是百量

欠三日甲 八十二 讀批誨指示親切却覺得先生之說甚明而明道之 相 子言性善是指已生之後雖曰已生然其本體初不 不雜於此者耳易大傳言繼善即是指未生之前孟 言以上不容説方其人物未生固不可謂性及人物 說益有可疑何者人物未生時乃是一陰一陽之謂 道而天命之流行所謂繼之者善便是以上事何故 既生須著謂之性雖則人生已後此理墮在形氣中 雜也以上是人物未生之時是其思慮所未到伏 晦恭集 华三

|金页四月全書 義理之有善無惡者性之本體也然皆不可不謂之 性要在學者隨所讀書自去體認取令謂才說性時 不全是性之本體然氣稟不能無善惡者性之流也 便已不是性深恐啓人致思於香冥不可致詰之境 者性而非所謂繼之者善也明道却云凡人說性只 而大傳言繼善是指未生之前則命之道也未可謂 是説得繼之者善也孟子言性善是也此尤不可晓 之性孟子言性是指已生之後乃易大傳所謂成之

J.E. 本文論之則皆不可曉矣要當忘言會意別作一格看 次色日日 白書 可也 再三之瀆 必不是開慢處既有所疑未容放下再此扣請乞恕 德之門户而首卷又是示人以道體所在編入此段 近思録 子路曾哲冉有公西華侍坐一章夫子既語之以居 段已詳於布遜卷中矣明道先生如此處多若以 書旨刑取諸先生精要之語以示後學 時卷集 四四四

我是雖免舜之事業益所優為其視三子規規於事 用之間無非天理流行之妙而用舍行藏了無與於 言皆是實事皆點雖答言志之問實未當言其志之 則日不吾知也如或知爾則何以哉正是使之盡言 此而不與彼何也集註以為味曾點之言則見其日 所欲為有似逍遥物外不屑當世之務者而聖人與 之所欲為夫子皆不許之而獨與曾點看来三子所 旦進用何以自見及三子自述其才之所能堪志 卷六十一 欠近日日本語 一 底然須先理會要教自家身心自得無欲常常神清 存三子却分作两截看了如治軍旅治財賦治禮樂 與凡天下之事皆是學者所當理會無一件是少得 為治本来只是一統事他日之所用不外手今日所 當得天下事物者是矣夫子當因孟武伯之問而言 為之事程子所謂不得以天下挽已已立後自能了 **氣定涵養直到清明在躬志氣如神則天下無不可** 為之末不可同年而語矣甚當因是而思之為學與 晦苍集

由也干乘之國可使治其賦也求也干室之邑百乘 體無不具用無不該豈但止於一才一藝而已使三 聖人固己深知其才所能辨而獨不許其仁夫仁者 之家可使為之宰赤也束帶立於朝可使與賓客言 夫子之問有以觸其機即各述所能子路至於率 獨 樂之則何暇規規於事為之末緣他有這箇能解横 子不自安於其所已能孜孜於求仁之是務而好之 在肚皮裏常恐無以自見故必欲得國而治之一旦

氣象不宏事業不能造到至極如曹點浴所風雲自 所用見得他不容將為學為治分作兩截看了所以 得其樂却與夫子飯疏食飲水樂在其中顏子單飘 身受用處全然掉在一邊不知今日所存便是後日 謙退畢竟是急於見其所長聖門平日所與講切自 水也雖疏食飲水不能改其樂也謂顏子非樂單縣 陋巷不改其樂襟懷相似程予謂夫子非樂疏食飲 而對更無推遜求赤但見子路為夫子所哂故其辭

大巴口巨 二十一

晦苍集

四十六

風雪人人可為而未必能得其樂者正以窮達利害 無入而不自得者故程子以為樂而得其所也譬如 本分學者曾點言志乃是素其位而行不願乎其外 倫聖門無如此事全不可以此議曾點益士之未用 得以累其心而不知其趣味耳夫舉體遺用潔身亂 随巷也不以貧蜜累其心而改其所樂也要知浴沂 今時士子或有不知天分初無不足游泳乎天理之 須知舉天下之物不足以易吾天理自然之安方是 卷六十 大三日田 小小 性雖大行不加馬雖窮居不損馬分定故也孟子所 顏子所樂如此故夫子以四代禮樂許之此浴沂風 然要做官建立事功方是得忘豈可謂之樂而得其 中大小大快活反以窮居隱處為未足以自樂切切 謂君子所性即孔子顏子曾點之所樂如此如老者 所也孟子謂廣土衆民君子欲之所樂不存馬中天 安之朋友信之少者懷之物各付物與天地同量惟 下而立定四海之民君子樂之所性不存馬君子所 晦卷焦 芝

金分四月百十十 馬不避其難而不知衛輒之食不可食季氏富於周 率性而已外邊用計用較假饒立功業只是人欲之 則止但未用時只知率性循理之為樂正以此自是 不知在人用與不用在時聖賢於此乘流則行過坎 **雩識者所以知堯舜事業曾點固優為之也然知與** 私與聖賢作處天地懸隔如子路當削職之難知食 公而求也為之聚飲而附益之後来所成就止於 統底事故也龜山謂堯舜所以為萬世法亦只是 卷六十一

究其所以然者却是因其氣稟之不同而所賦之理 生之謂性一章論人與物性之異固由氣稟之不同 却有次第己為希遜言之矣 次定四事在告 一 未到無入不自得處夫子之不與其有以知之矣所 見如此不肯馳否乞與訂正 此正為他不知平日率性循理便是建功立事之本 | 段說得極有本末學者立志要當如此然其用力 答嚴時事 **睁巷朵** 四十八 固 但

者而未當言犬之氣牛之氣人之氣不同也人之所以 亦有異所以孟子分别犬之性牛之性人之性有不同 於同中識其所異異中見其所同然後聖賢之言反覆 當而告子白雪白羽白玉之白更無差别反為至論矣 程先生有一處有隊中日光之論最為親切更須詳味 異於禽獸一章亦是如此若如所論則孟子之言為不 **隔無復會通之時矣** 不相礙若只據一偏各說道理則互相逃閃終身間

金罗巴尼石雪

質也 此元不相入不當引以説也此等處項且虛心看他聖 以為栝楼而楩楠不可以為栝楼又是第二重道理與 成故孟子言戕贼祀柳而後可以為栝楼也若祀柳可 杞柳之性固可以為柘棒然須所伐裁截矯揉而後可 多然之說固有此理但恐如此包裹費力聖人之言簡 論徒為紛擾不惟枉費思慮言語而反有害於窮理之 賢所說文義指意以求義理之所當乃為善學若如所 欠近日年在10 站巷某 四九

易平直未必如此屈曲且依程先生說為善 金好口尼石量 主獻酬禮畢然後入又席於尊東使自為一列不為我 親親長長貴貴尊賢皆天下之大經固當各有所尚 為 五行太極便與生之謂性相似以為同則同中有異以 亦不可以此而廢彼故鄉黨雖上齒而有爵者則俟賓 贵贵各不相妨固不以齒先於爵亦不以爵加於齒 也 人所壓亦不壓却他人即所調遵也遵非 異則未當不同 如此則長長 然

欠三日巨人等 ! 喪禮自葬以前皆謂之真其禮甚簡益哀不能文而於 繁非居喪者所能行節祀則其禮甚簡雖以墨線行事 新死者亦未忍遽以甩神之禮事之也自虞以後方謂 亦無不可也 越綿之說註雖簡疏必詳此等可自檢看居喪不祭伊 祭五祀説見於月令註疏甚詳可自放之 横張各有說若論今日人家所行則不合禮處自多 一緊論若用韓魏公法則有時祭有節祀時祭禮 晦巷集 <u>‡</u>

朝州所刊語解乃是鄭舜舉侍郎者 治 中間客看亦 禮必本於太一萬氏說恐不然 而失其義不可不知 必祭人以鬼神自不能祭故代之祭也今人雖存其禮 金戶口周人 之禮有之今其書亡不可深及一是祭酒益古者飲食 也酹酒有两説一用鬱鬯灌地以降神則唯天子諸侯 之祭故禮家又謂莫為喪祭而虞為吉祭益漸趨於吉 好處但如所引數條却似未安今且論其一二大者

子去之初無面轉皆壁之說今乃捨孔子而從左氏史 聖賢所處事雖不同而心則未當不同故孔子歷舉而 去紂而適其封國則尤為無所據矣此乃人道之大變 如三仁之事左傳史記所載互有不同但論語只言微 並稱之且皆許其仁馬更須玩索未可輕論也絕四之 7 7. 10 and 1. 1. 1. 如此求奇失却路脉也 說尤為無理且更虚心看集註中所引諸先生說不必 已自難信又不得已而曲為之說以為微子之去乃 眄卷集

銀片四月百書 是致知如得一分更有一分功夫節節進去自見欲罷 成助長之患而致知之功亦非旦夕可與則似未得箇 知别後為學不倦甚慰然所謂念欲刻苦加勵又恐遂 不能不待刻苦加勵而後得也但目下持守講學却亦 下手處也大網且得以敬自守而就其問講論省察便 不得不刻苦加勵不須遽以助長為憂也 答自光祖典宗 答曾光祖

内之日少即是為客耳主式乃伊川先生所制初非朝廷 意亦得之但語猶未瑩須知在內之日多即是為主在 所示問目甚慰所懷此是求其放心乃為學根本田地 **欧定四車全** 然却亦與釋子坐禪攝念無異矣所論內外質主之 之理不是兩事隨感即應自然中節方是儒者事業不 既能如此向上須更做窮理功夫方見所存之心所具 不當作耳有官人自即子亦無定制竊意亦須似主之 立法固無官品之限萬一 晦苍集 一繼世無官亦難處易但繼此

萬進學自愛只如前所論用功久之自當有進盖已得 偶歸故居監視社倉交米草草作此不暇他及正遠千 問之誤所疑甚當中間已修定矣今內去兩本幸收 之制今復以意斟酌如此若古禮則未有及也大學或 · 唐行役已涉建昌之境垂老復出非力所堪深以愧 其要領不易如此切已致思也 大小高下但不為判合陷中可也凡此皆是後賢義起 答曾光祖

卷六十

欠己日早日香一 唯普同一獻不讀祝不受胙也如此則於遠祖不遷 當鞠躬盡力看到甚地位耳 墨衰行之盖正祭三獻受胙非居喪所可行而俗節則 間 從横渠論人情則伊川之説亦權宜之不能己者但家 耳所示為學之意甚善此事元無窮盡不可計功程但 頃年居喪於四時正祭則不敢舉而俗節薦享則以 詢喪祭之禮程張二先生所論自不同論正禮則當 答曽光祖 蹄養集

禮經所說不一亦無端的儀制竊意恐當以大祥前 絶 日祭當遷之主告而遷之然後次日撤几筵奉新主 金只四月百書 可有私意耳 因又言君子有九思今横渠之言 與此相反 横渠曰仲尼絕四意有思也夫子當言學而不思則 四是聖人事不思不勉者也學者則思不可無但不 似亦稍合人情幸更詳之此事尚遠可徐議之也 答曾光祖

久已日日本· 就事上看理之所聚與其所當行處辭謂卦爻之幹 上四句其說已見於太極圖解後統論中矣觀會通是 横渠云始學之要當知三月不違與日月至馬內外 自然不知於會通處如何而觀易中之辭何者備之 何為體以何為用又所謂典禮者無非天叙天秩之 曰解固皆理之所寓然其曰體用一源未知三者 以 顯微無問觀會通以行典禮則醉無所不備其曰象 川易傳序曰至微者理也至著者象也體用一 晦萎集 垂四

金月で屋 在書 為何事知得此意方可理會內外實主之辨 所謂實有諸己乃能為仁不知實有是有何物為仁是 廣主之辨其謂實有諸已乃能為仁雖仁有久近之 貧主 也 義理客氣消長分數之多寡耳非三月日月有內外 置失物須以理勝他失必不剌人也何畏之有與宗 明道曰目畏尖物此事不得放過便與克下室中率 不同然非有諸已不能也其所以三月日月者特主 卷六十一

然無事 使當 其生謂言行事為之見於外者既有所省便是未得安 之熟而知失之不刺人也則知畏者妄而不復畏矣無 てこう え 有目畏失物者明道先生教以室中率置失物便見 作 未晚其説 觀之上九日觀其生君子無咎象曰觀其生志未平 也 Little

鉛定四庫全書 辱書文詞通暢筆力快健蔚然有先世遺法三復令人 柳来前輩盖其天資超異偶自能之未必專以是為務 世空無簡便之弊又皆中其要害亦非常人見識所能 亹亹不倦所論讀書求道之意亦為不失其正所訴 近 到也然文字之設要以達吾之意而已政使極其髙妙 也故公家舎人公謂王荆公曰文字不必造語及摹擬 而於理無得馬則亦何所益於吾身而何所用於斯世 答曾景建

前人孟韓文雖高不必似之也况又聖賢道統正傳見 於經傳者初無一言之及此乎至於讀書則固吾事之 忠信收敛身心為先務然後即吾日用之間參以往 不可己者然觀古今聖賢立言垂訓亦未始不以孝弟 洞徹無毫髮之不盡然後意誠心正身修而推以治 飲定四車全書 · 之指反覆推窮以求其理之所在使吾方寸之問虚明 而無非學如是而無非道則吾恐其無所歸宿不得受 無往而不得其正者若但泛然博觀而緊論以為如是 晦苍集 訓

試思之有所未安復以見告甚幸甚幸録示先大父司 望 知其誠出於龜山無疑也所示住篇句法高簡亦非 直公所記龜山先生語前此所未見然以其他語推之 用而反為被之指本心講端緒者所笑矣都見如此幸 俗所及然憤世太過恐非遜言之道千萬謹之尤所 便中辱書備知向来徧參反求始末而又深以主一 答曾景建 1:1:1 世 願

甚易而守之為尤難主一之功固須常切提撕不今問 体歇而反成躁亂也示及與柴君書甚善不知渠以為 若驚於高速波獵領解則又不免如向来之清話欲求 斷窮理之事又在細心耐煩將聖賢遺書從頭循序就 斯亦當益有味矣然二事知之甚易而為之實難為之 理得所歸宿為喜也比日秋清計所履益住勝從事於 次足四事全替一 如何今人亦未說到此異端之敵自是已分上差却 平實明白處玩味不須貪多但要詳熟自然見得意緒 晦卷集 華

路欠却功夫其迷溺者固無足道其慨然以攘斥為己 所示詩文疑問其問頗有曲折俟黄兄歸奉報熹以臺 已功夫則於此等亦有所不暇矣 何而能喻諸人哉幸更思之若於已分上真實下得切 任者又未免有外貪內虚之患亦徒為譊譊而已若之 評蒙恩鐫免尚為輕典感幸深矣而所連及反惟重坐 金万口月月四日 , 愧惕今因其行草草附此恐其在塗有合料理事 答曾景建 卷六十

次足四年在島 一 意正如此後段之云亦可謂怪論矣今既知其繆便直 說數條必是又有李蕭遠所定也所問兩條三省事 鄙 所抄龜山語以他書改之不妄然却不及向来所記雜 甚善但讀書須更量力少看而熟復之只依文義尋箇 得為垂念幸甚其人辨博多所該綜亦可好扣也 明白處去自然有味不在極力苦思轉求轉遠也先德 前此辱書祭季通行曾附數字奉報矣所論主一之功 答曾景建 晦恭某

成浇涛無餘味矣爾雅未暇細看然此等亦未須開費 賢者為餘事但公家自有文章大宗師何故不學而學 季通遠役深荷煖熟之意今想已到地頭矣其所論律 日 置之不須與辨且自理會已分功夫可也科舉之學在 他人不好處一向如此不惟議論不正當併與文章亦 カ也 之精 恨與賢者相聚不久未極其底 總也三篇甚 答曾景建

金岁口月月

卷六

勝卒章尤工而僕不足以當之也爾雅竟未暇細改 斷手耳乾坤性情之說以三隅反之何疑之有性情本 亦有在黃直卿處者聞吉父在彼必能傳其梗縣然此 問後来又有續修處及更欲附以釋文正義卒未得便 别 親篇恐非如所刊定也禮書已累定但惜無人録得 紙七條第一論勿動勿思者動可以該思而思不可 物特以動靜而異其名耳 答曾景建 班恭集 五九

論吕氏恍惚之説未有大病不須如此迴避且認取正 以為有所畏避亦非是此只是禮合如此耳此等處相 自 遜泰和氣象殊非本意彼亦但自言其日間受用處而 銀穴四母全書 似而不同只差毫釐便有公私之異不可不察也第四 亦優為之非專指揖遜而言也第三論問答衛君一條 功自是合如此耳第二論曾點言志以為便欲進取揖 以該動故聖言如此非有先後淺深之序也但立語用 他人觀之則見其或出或處無所不可雖堯好事業 卷六十

意可也非然第五責原壤三語須作一句看若只老而 之賊耶第六射宿亦不必如此說第七按史記之言如 卒章也若止第三章是亂則史之言不如此矣此七條 此必有所据非馬遷自造之語也盖今關雖三章皆是 者其首二義更宜思之第二條尤須體認不可草草其 閥雖之亂其前必有散聲序引之類有聲無詞而此其 不死則聖賢固有壽考者豈可以其竊天地之機而謂 次定四重白馬 下五條則皆非所急又看得差了且須虚心認取聖賢 晦苍集 **バ**ナ

之說甚新但恐其他無此比數兼若如此則禹自當班 模放處如論乾坤二用周流六虚處可見疎脱試考之 參同舊本深荷錄示已令蔡伯靜點對附刻新本之後 立言教人用功之正意不可只如此容易立說也 **乘此春暖與吉父相約俱来以踐前約豈勝幸甚征苗** 可見也近来不知所觀何書或有所見因風筆示若得 矣但龍虎經却是取法參同亦有不曉其本語而妄為 答曾景建

之而涵泳於義理之實之為得也 次是四軍主 師不待伯益贊之而後决矣此等無所致據不若姑置 确庵集

	 14.12.2044.	 	 	
				金グルガノニ
				1/27
:				卷六十一
				_
ا 				

大記丁年公前 答嚴時亨遷聖人之本意以就之也問云禮無大小未 答林德久伊川曰心具天德的與諸先生議論不同下 答自光祖仲尼絕四意有思也本有竊意 考異補遺 嘗不重於食色有時而重於禮食色重處是亦禮之 皆從心上用功下一如操舎存亡求放心之類 **林盡心知性此是大學第** 重路此章無它可疑熟讀本文自可見矣 梅奉集